

Odлуka o Zakonu o izmjenama i dopunama Zakona u unutrašnjim poslovima Zeničko-dobojskog kantona

Koristeći se ovlaštenjima koja su mi data članom V Aneksa 10 (Sporazum o civilnoj implementaciji Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja pomenutog Sporazuma o civilnoj implementaciji Mirovnog ugovora; i posebno uzevši u obzir član II. 1. (d) gore navedenog Sporazuma, prema kojem Visoki predstavnik “pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa civilnom implementacijom”;

Pozivajući se na stav XI.2 Zaključaka Vijeća za implementaciju mira koje se sastalo u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnoj implementaciji Mirovnog ugovora kako bi pomogao u iznalaženju rješenja za probleme, kako je prethodno rečeno, “donošenjem obavezujućih odluka, kada to bude smatrao neophodnim,” u vezi sa određenim pitanjima, uključujući (u skladu sa tačkom (c) ovog stava) i “mjere u svrhu obezbjeđenja implementacije Mirovnog sporazuma na čitavoj teritoriji Bosne i Hercegovine i njenih entiteta”;

Imajući u vidu članove 1(1) Aneksa 11 Općeg okvirnog sporazuma za mir u Bosni i Hercegovini kojim se reguliše da će stranke “na područjima pod njihovom jurisdikcijom svim osobama osigurati bezopasnu i sigurnu okolinu time što će održavati

organe za provođenje zakona koji će djelovati u skladu sa međunarodno priznatim standardima i uz poštivanje međunarodno priznatih ljudskih prava i temeljnih sloboda”;

Uzimajući u obzir da, u skladu sa članom 1(1) Aneksa 11, postoji potreba za depolitizovanom policijom u Federaciji koja radi u skladu sa najvišim evropskim standardima;

Imajući na umu potrebu za apolitičnom osobom koja će biti odgovorna za operativne aspekte obavljanja policijskih poslova u Ministarstvu unutrašnjih poslova Zeničko-dobojskog kantona;

Uzimajući u obzir cjelovitost gore navedenih pitanja, ovim donosim

ODLUKU

o Zakonu o izmjenama i dopunama Zakona u unutrašnjim poslovima Zeničko-dobojskog kantona (Zakon o unutrašnjim poslovima Zeničko-dobojskog kantona, koji je kasnije mijenjan i dopunjavan, objavljen je u “Službenim novinama Zeničko-dobojskog kantona”, br. 1/97), kako slijedi.

Ovaj Zakon stupa na snagu u skladu sa odredbom člana 17. Zakona, na privremenoj osnovi sve dok ga Kantonalna skupština ne usvoji u odgovarajućem obliku, bez izmjena i dopuna i postavljanja bilo kakvih uslova.

Ova Odluka se odmah objavljuje u “Službenim novinama Zeničko-dobojskog kantona” i stupa na snagu na dan objavljivanja.

23. maj 2002.

Wolfgang Petritsch

Visoki predstavnik